

山西府縣志輯

主國地方志集成

乾隆汾州府志

中國地方志集成

山西府縣志輯 ②⑦

乾隆汾州府志

鳳凰出版社 ● 上海書店 ● 巴蜀書社

汾州府志序

刺史為

天子守牧凡境內山川民風景物
一切屬世磨鈍之具罔不奉
若

憲典然後乃為良守禹貢所

序

載職方所掌詳哉其亡之

猶古志也三晉表裏山河

神京拱衛沐實我股肱郡牧斯

土者省方問俗輯事寧人

何所取裁語云前事不忘

後事之師也志又曷可少哉

竊惟為志者體例不辦考

覈不精譬如嗜古者得舊

人尊鹵敦孟或琢印錢刀之

品刻畫崖窠模糊癡賦拾

為己寶磨穿不置而數典忘

祖為識者嗤正如買菜之求

序

益又多乎哉西河魏土文侯

所與呂段干木田子方之遺

風他如澤潞陸虞唐汾陽王

宋潞國公皆命世之英名之

接武至清風亮節若介之

推郭林宗後先輝映河山

清泚之氣磅礴鬱積之人
 何遷不如古要有觀哉而
 興者顧汴志自神廟後記
 載闕如刺史孫君當友有
 幹實不務因循積習爰開館
 聚書區搜訪拾遺補闕

穢去疏之浮者扶之訛者澄
 之昔年歲事釐為二冊披
 覽之下穆然如見山河之溟
 峙阡陌之交錯人氏之熙攘
 前賢往哲之頡頏而下上也
 夫豈燕石之珍不足當波斯

一盼哉洵乎其有合郭康成
 知古志之旨也余既喜刺
 史之居官克敦厥事亦甚
 望守牧者之勿忘所事也
 是為序

乾隆三十六年孟春撫晉

使者鄂寶撰并書



志猶史也合之則為邦國周禮小史掌之離之則曰四方周禮外史掌之史不可闕志又安可廢顧作者非苟焉已也如治室然自堂徂基規前矩後成局在胸溢而樸斲之恒墉之墜茨丹雘之乃奕然煥然受張老之賀

序

一

矣汾州志成於前明萬厯中迄今百數十年經思陵鼎革兵燹流離殆如頽垣廢址不可收拾于此張皇補苴視家所寡有加以潤色不可得也刺史孫公來守是邦念古之為政者必訪遺訓誥故實舍志奚

稽禮曰古也有志傳曰周志有之闕焉不講是返鑑索照也爰奮然起而脩之發凡起例徵文考獻凡建置之沿革陵谷之變遷風俗之醇澆物產之滋息與夫忠臣孝子義夫節婦及名賢流寓方技專門無不網羅散

序

二

佚著以傳著疑以傳疑是可以志矣吁世之傳舍其官惟刀筆筐笥是務至一切成敗利鈍隔闕不聞者比而是倘有聞風興起慨然有作斯志之成庶幾納約自牖矣于是乎書

乾隆三十六年歲次辛卯督學使
者烏程吳巖書



序

三

汾州府志序

府領一州七縣得漢太原郡之茲氏
中都京陵界休鄔西河郡之蘭皋狼
離石隰成中陽土軍中亘大山若呂
梁黃櫨薛頡狐岐則二郡之所以限
唐宋已來為汾石二州兼有隰州地
府之設起明萬厯中後十餘年知府

序

一

王道一纂次府志寔始草創越今百
六十餘載無繼而為之者今秋之仲
諸城孫君以新志若干卷請余言挂
之簡端余謂此事匪易為也且如汾
州之名起北魏其初改吐京鎮為州
治蒲子城在今隰州徙治西河自裴
良始而西魏之汾州在今宜川北周

序

之汾州在今吉州隋汾州在今霍州
前此之為西河郡治也起北魏太和
八年孝昌中則僑置平陽界而漢元
朔四年初置西河郡本在河西永和
五年南徙五百九里治離石迄於晉
不異若其依河表目見經傳子史者
地不一所咸非府境以所屬縣言中

二

都為地三左氏春秋之中都在今河
內魏書之中都在榆次永安為地三
漢晉之永安在霍州北魏孝昌後之
永安與介休嘗僑置平陽而介休又
僑置汲郡汾陽為地五國語汾陽之
田在平陽漢汾陽即靜樂晉汾陽為
河東郡隸縣隋汾陽唐武德七年改

序

為陽曲其已後郡縣無汾陽之名而
郭子儀封汾陽郡王鎮絳州以地名
山澤言名梁山呂梁者春秋爾雅之
梁山在少梁孟子之梁山在今乾州
尸子呂覽淮南鴻烈暨水經注之呂
梁在今保德州西為河之鉅隘而泗
水中亘岨亦以名孔子所歎呂梁懸

三

水三十仞魚鼈不能遊者也名絛上
介山綿山者春秋之綿上在今翼城
後漢書之綿上在沁源揚雄河東賦
之介山在萬泉而翼城平定皆有綿
山鄒之北九澤班孟堅以為周職方
昭餘祁鄒道元以為呂覽晉之大陸
胥失之然則凡所論著雖勤求經史

猶眩若夢絲也同名異地未能證實
雜取其入與事於篇謂免識者之議
難矣孫君重其事不以所知自多復
質諸休寧戴東原氏勒成一書於舊
志既無可仍襲遂綜博古今嚴整義
例用補闕典余歷官於閩於荆於晉
欲備知地之險易政之利弊以敷宣

序

四

聖天子德意檢閱府州縣志至夥求其述
地名山川能周知寰內形勢之全
絡條貫不失地防無糾糾傳合也記
載官政以及田賦征徭爾雅明劃遠
於胥吏案牘也傳一方之名宦人物
審確不假借文體追乎古人辭稱協
諸德行也若斯者蓋鮮孫君素練於

治視昔時沉廢輒力舉不少因循茲
後亦其一焉用是驗孫君之守汾總
八州縣而握其柄者事事勤求盡若
斯之用心不亦懋歟不亦懋歟
乾隆三十五年嘉平月

賜進士出身

誥授通奉大夫山西布政使司布政使前

序

五

日講起居注官翰林院侍讀學士大興

朱珪撰



汾州府志序

合環宇內外及上下古今紀一代之顛末以成一家言名之曰史。本於春秋嗣其後者推馬班為最而馬班異同彼此相笑終無定論若省與府州縣各據一隅以立言不支不蔓既無溢美又毋使挂一漏萬且畫井分

序

疆犬牙相錯與鄰邑接壤如涇渭異流皂白異質不至有冥而莫知其原惶惑而失其所守位茲土者一切巨細洪纖令其弛而不張久而湮滅是亦史家之遺意也汾州屬於山右前明萬厯間始建為府爾時府志猶未修也迨萬厯三十七年知府

王君編次成書間有訛舛尚煩釐正夫金可銷石可泐首事之人必賴乎踵事者使繼起無人則墜緒茫茫終歸沉泯蓋王君及今更一百六十餘年矣予同年生孫君越薪政尚清靜由滇南萬里

命守汾郡慨舊志之久而未續因追

序

二

王君意臚列而次第之又獨力難勝更聘戴東原先生襄其事東原名士也博覽羣書考訂精核寰海文人皆知之相與丹黃甲乙首沿革終藝文為例三十為卷三十又四使閱者隻眸炯炯如白圭振鷺焉攷汾州分野掣自禹貢屬於冀州嗣後因革

序

不一或稱西河或稱南朔或稱
介州或稱汾陽帶礪山河肘腋
秦晉自卜子設教以來流風條
韻猶未聞寐况溫泉足樂騶虞
可懷金鎖玉亭膏壤沃野昌泰
為漢之英俊宋梁則唐之賢豪
迄文忠烈狄武襄尤間世而一
出者也由今溯昔士循乎禮教

三

民習乎樸誠事詩書安耕鑿不
休哉余奉

命分守冀寧嘉孫君之不辭勞瘁考
訂商權既付剞劂而亦知產是
土者含哺鼓腹出入嬉遊莫非
我

皇上之生息教誨樂育涵煦之所致
乎因不揣固陋而并于簡端

序

時

大清乾隆三十六年歲次辛卯春三
月山陰徐浩書



四

新修汾州府志序

郡邑之有志也其史家之流乎稽之於古則圜稱之陳留耆舊雲預之會稽典錄祇述人物羅含之記湘中辛氏之記三秦多談山水二者各自成家故劉知幾

序

一

有郡書地理書之別自宋以來州縣志乘日以滋繁山川疆域貢賦戶口仕宦人物莫不洋洋著於編蓋無古二宗之法而為之所以存一方之文獻備正史之考稽烏可闕焉而不具哉然而吏胥之

文簿抄寫或失體裁委巷之流傳

沿襲慮乖事實是必有上下古今之學識而佐以典雅之文裁以簡要之筆然後可以傳世而行遠也汾州古稱西河明萬歷中始升州為府領縣七州一兼有唐

序

二

汾石隄三州之境相沿至今者蓋百五十餘年矣府之有志亦初於萬歷間規模粗具而疎略特甚

國家統一海內無遠弗屆歲甲申學閔以西域新疆式廓應增入

大清一統志上請荷蒙

俞允并檄取天下府州縣志上之
史局而吾府志尚沿其舊幸際
聖朝休養生息之治賦役清簡戶
版庶繁官師先達懿美可紀倘
不及時撰次思有久遠放失之患

序

三

學閔曩在里門與同年呂學三暨
魏西銘昆仲私論及此輒以為
憾今太守諸城孫公以山左名宿
來莅吾郡政通人和百廢俱舉
暇日繙閱前志惜其久而未修
爰集紳士咨訪舊聞酌定體例

復延休寧戴孝廉東原攷證古
今筆削成書公於聽政之餘仍
親加潤色閱一年而告成體大
思精文約義賅追常璩之洋
審匹劉炳之該博所稱傳世行
遠而有益於史家者其在斯

序

四

乎學閔薄宦京華數年於茲未
獲預校讐之末樂斯志之成而
吾鄉之文獻有徵也因不揣冒
昧而為之序時
乾隆三十有五年歲在庚寅冬
至前七日

賜進士出身吏科掌印給事中
前史官郡人曹學閔撰



序

五

序

周官有土訓誦訓之職土訓掌道地圖以詔地
事誦訓掌道方志以詔觀事鄭康成氏曰說
地圖九州形勢山川所宜告王以施其事說四方
所識久遠之事以告王觀博古所識然則圖志之
書其由來蓋遠洙州自政府以來舊嘗有志越
今百六十餘年曠而不修且舊志革創踈略於
古今因革山川形勢政之體要民之利病求其
仲手見指懸衡取平未之能也夫郡之於縣所
謂臂之使指也因革形勢體要利病既未示
諸掌將

朝廷詢風土徵典藉而

當事者問民間疾苦責其官守職司徒據去
今百六十餘年踈於事懷者以應其不可甚明
顧余為是郡三載而後及志事何也非周察
而得其實不敢以爲言非精心於稽古不敢輕

畢之書是以遲之又久略知為是郡之大經乃復
 徵詢八州縣脩陳細目都舉統觀又適有休
 寧戴東原氏來遊汾晉間今之治經之儒咸
 首推戴君而是志得其嚴加核訂以余之體
 驗於今者更能信不謬於古矣郡故多賢智
 學古之士聞余於茲遲之又久之意而卒底有
 成也欣然相率而請校勘雕印不緩於時余
 亦以感郡之人才荒遠傳合者不必言其近而可

序

二

師昔之日不有狄武襄文忠烈其人德高業隆為
 國柱石若彼乎人苟自勉今猶昔也志中之事
 地事親事存焉求其切民用達治道也志中
 之人抑又求其端士趨厚民俗也是則余蓄於
 心三載者以是因書以為端首

乾隆辛卯季春之月知汾州府事

諸城孫和相撰書



汾州府志目錄

例言

圖

表 以上首卷

沿革 卷之一

星野

疆域 以上卷之二

山川 卷之三

城池

官署

汾州府志

目錄

倉廩

學校

壇壝 以上卷之五

關隘

營汛

驛鋪 以上卷之六

戶口

田賦

鹽稅 以上卷之七

職官 卷之八

官績卷之十一

食封

流寓以上卷之十二

人物卷之十三至

義行卷之十七

科目卷之十八十九

仕實卷之二十

列女卷之二十一

古蹟

塚墓以上卷之二十三

汾州府志目錄

祠廟卷之二十四

事考卷之二十五

雜識卷之二十六至

藝文卷之二十七至

二

重脩府志銜名

纂脩

汾州府知府孫和相山東諸城人

參訂

汾州府清軍同知李遵唐河南同始人

汾州府督糧通判劉望齡福建沙縣人

調任汾陽縣知縣朱濬甘肅靈州人

汾陽縣知縣李文起廣東歸善人

原任平遙縣知縣德貴滿洲正白旗人

汾州府志銜名

平遙縣知縣蔡亮茂浙江德清人

介休縣知縣王諒文浙江山陰人

原任孝義縣知縣鄧必安江西南豐人

孝義縣知縣黃印直隸天津人

原任臨縣知縣丁宗懋陝西渭南人

臨縣知縣嚴慶雲辛未進士

石樓縣知縣梁植廣東順德人

承寧州知縣王興穀江蘇金山人

寧鄉縣知縣朱懋炳四川崇慶人

參閱

汾州府儒學教授李時中	山西太平人
汾州府儒學訓導陳璉	山西代州人廩貢
督理	
經歷司	麟江蘇陽湖人史館議叙
採訪	
戊子舉	人卞爾琬
乙酉拔	貢王廷槐
校對	
乙酉舉	人程學曾
乙酉舉	人馬錦襄
汾州府志	二
衙名	
候選理	問賈應
監刊	生杜玫
原任知縣段瑤	
原任巡檢魏國卿	
貢生姜思熹	
貢生郭繼僊	
監生趙嘉泰	
生員趙葆光	

汾州府志

例言十則

汾州自前明萬歷二十三年改府越十餘年知府王道一始纂次府志成於萬歷三十七年距今百六十餘年中間紀載闕如府屬一州七縣志雖各有增續亦距今數十年至有體應繁之府者州縣志固不得而詳況各志具存纂次多非其人往往因陋就簡稽其山川形勢及民間利病啟卷茫然夫以百六十餘年之遠八州縣之廣官事民事治要所在不可聽其散逸也用是訪輯成書蓋不敢云少待矣

汾州府志

例言

一

志之首沿革也有今必先有古古曰州曰國國有分邑其後爲郡縣又其後設州以統郡郡以統縣而隋唐間州與郡無別惟稱名互改而已明以來則曰府曰州曰縣其間分合移徙隨時不同如一西河郡也其初在河西舊呼爲河套今鄂爾多斯左右翼六旗居之後漢永和五年始徙今府屬之永寧州北魏太和八年始置於今府治南十六里之故茲氏城孝昌二年則僞置平陽界北齊復太和中之舊一汾州也其初在今隰州孝昌中移今府境西魏別置汾州在今陝西宜川縣北周以東魏之南汾州爲汾州在今吉州尋又置汾州於今霍

州隋汾州亦與北周同唐武德三年復孝昌中之舊一平遙也其初曰平陶在今文水縣一介休也孝昌二年僑置平陽界永安中又僑置汲郡界今平遙縣漢中都也而北魏之中都徙置於榆次今孝義縣三國魏之中陽也而漢中陽西濱黃河北魏太和十七年於此置永安縣而孝昌二年則僑置平陽界前乎北魏者後漢魏晉之永安皆今霍州北周攻拔永安城亦在彼不在此昔人考之不審徒檢史書中涉乎西河汾州中都平遙介休永安之名者取而列諸名宦人物因又祀於名宦祠鄉賢祠論其世考其地實非官於斯產於斯者也而

此地之名宦人物往往遺失之故沿革定而上考往古

乃始無惑

星野次乎沿革其說起於周禮九州之分星至春秋時言列國分星尤詳漢書乃以郡縣隸之然於古州國往往齟齬不合蓋秦漢間已失其傳非實有所見而分之者也存古說以見梗槩而沿革不明不可以道古作志者或先及之非其次矣至若圖繪星像錄步天歌尤屬固陋

疆域次沿革星野之後考今白是始也疆域辨而山川乃可得而紀

山川次乎疆域其莫也本天地之自然而形勢在焉風氣繫焉農政水利興焉作志者往往散列漫無敘次三者無由見也今以水辨山之脈絡而汾之東西山爲幹爲枝爲來爲去俾井然就敘水則以經水統其注入之枝水因而徧及澤泊隄堰井泉高下下不失地防興水利除水患從是求之思過半矣故兼及自昔以來引渠灌溉之法築防疏濬之功備詳其下令衆山如一山羣川如一川府境雖廣山川雖繁按文而稽各歸條貫務求切於民用從來作志者僅點綴嬉遊勝景何小之乎視山川也

城池官署倉廩學校壇壝關隘營汛驛舖戶口田賦鹽稅凡十有一者官事也民事也綱之紀之富之教之撫之衛之用之緩之政之大體於是乎在民之利病於是乎在故次疆域山川之後

職官名宦食封流寓四者至斯土者之往鑑也人物義行科目仕實列女五者宅斯土者之往鑑也職官食封不可勿存也府志於職官題名多至丞簿而止今載及縣尉者丞簿既載則職在丞簿下者責務亦稍重也名宦必其德澤及民操持可法流寓非名賢不錄此二者所以著愛慕也人物必大節卓然義行必爲善足風或